

ছাড়পত্র

କଳତ୍ରୟ

ଶକ୍ତିର ସୁଲୋ ଓଡ଼ିଆ ଦୁଇ ଭାଗ

୧୯୩୧-୩୨ ଏକ କବିତ୍ରୟ :

(କେତକୀ ଓଡ଼ିଆ ସାହିତ୍ୟ ସମାଜର ଗୀତା

ସଂଗ୍ରହ ମଧ୍ୟ ସଂଗ୍ରହ କର

କାବ୍ୟ କାବ୍ୟ କାବ୍ୟ ଓଡ଼ିଆ

କେତକୀ ଓଡ଼ିଆ ସାହିତ୍ୟ ସମାଜର ଗୀତା

କବିତ୍ରୟର ଦୁଇ ଭାଗ

କାବ୍ୟ କାବ୍ୟ କାବ୍ୟ ଓଡ଼ିଆ ସାହିତ୍ୟ ସମାଜର ଗୀତା

କେତକୀ ଓଡ଼ିଆ ସାହିତ୍ୟ ସମାଜର ଗୀତା

କେତକୀ ଓଡ଼ିଆ ସାହିତ୍ୟ ସମାଜର ଗୀତା

କେତକୀ ଓଡ଼ିଆ ସାହିତ୍ୟ ସମାଜର ଗୀତା

କେତକୀ ଓଡ଼ିଆ ସାହିତ୍ୟ ସମାଜର ଗୀତା

କେତକୀ ଓଡ଼ିଆ ସାହିତ୍ୟ ସମାଜର ଗୀତା

କେତକୀ ଓଡ଼ିଆ ସାହିତ୍ୟ ସମାଜର ଗୀତା

କେତକୀ

କେତକୀ ଓଡ଼ିଆ ସାହିତ୍ୟ ସମାଜର ଗୀତା

କେତକୀ ଓଡ଼ିଆ ସାହିତ୍ୟ ସମାଜର ଗୀତା

କେତକୀ ଓଡ଼ିଆ ସାହିତ୍ୟ ସମାଜର ଗୀତା

କେତକୀ ଓଡ଼ିଆ ସାହିତ୍ୟ ସମାଜର ଗୀତା

କେତକୀ ଓଡ଼ିଆ ସାହିତ୍ୟ ସମାଜର ଗୀତା "କେତକୀ"

କେତକୀ ଓଡ଼ିଆ ସାହିତ୍ୟ ସମାଜର ଗୀତା

ছাড়পত্র

যে শিশু ভূমিষ্ঠ হল আজ রাত্রে
তার মুখে খবর পেলুম :
সে পেয়েছে ছাড়পত্র এক,
নতুন বিশ্বের দ্বারে তাই ব্যক্ত করে অধিকার
ভিন্নমাত্র স্ত্রীত্ব চীৎকারে ।
খর্বদেহ নিঃসহায়, তবু তার মুষ্টিবদ্ধ হাত
উত্তোলিত, উদ্ভাসিত
কী এক ছর্বোধ্য প্রতিজ্ঞায় ।
সে ভাষা বোঝে না কেউ,
কেউ হাসে, কেউ করে মূছ তিরস্কার ।
আমি কিন্তু মনে মনে বুঝেছি সে ভাষা
পেয়েছি নতুন চিঠি আসন্ন যুগের—
পরিচয়-পত্র পড়ি ভূমিষ্ঠ শিশুর
অস্পষ্ট কুয়াশাভরা চোখে ।
এসেছে নতুন শিশু, তাকে ছেড়ে দিতে হবে স্থান ;
জীর্ণ পৃথিবীতে ব্যর্থ, মৃত আর ধ্বংসস্তুপ-পিঠে
চলে যেতে হবে আমাদের ।
চলে যাব—তবু আজ যতক্ষণ দেহে আছে প্রাণ
প্রাণপণে পৃথিবীর সরাব জঞ্জাল,
এ বিশ্বকে এ শিশুর বাসযোগ্য ক'রে যাব আমি—
নবজাতকের কাছে এ আমার দৃঢ় অঙ্গীকার ।
অবশেষে সব কাজ সেরে
আমার দেহের রক্তে নতুন শিশুকে
করে যাব আশীর্বাদ,
তারপর হব ইতিহাস ॥

আগামী

জড় নই, মৃত নই, নই অন্ধকারের খনিজ,
আমি তো জীবন্ত প্রাণ, আমি এক অঙ্কুরিত বীজ ;
মাটিতে লালিত, ভীরা, শুধু আজ আকাশের ডাকে
মেলেছি সন্দিগ্ধ চোখ, স্বপ্ন ঘিরে রয়েছে আমাকে ।
যদিও নগণ্য আমি, তুচ্ছ বটবৃক্ষের সমাজে
তবু ক্ষুদ্র এ শরীরে গোপনে মর্মরধ্বনি বাজে,
বিদীর্ণ করেছি মাটি, দেখেছি আলোর আনাগোনা
শিকড়ে আমার তাই অরণ্যের বিশাল চেতনা ।
আজ শুধু অঙ্কুরিত, জানি কাল ক্ষুদ্র ক্ষুদ্র পাতা
উদ্দাম হাওয়ার তালে তাল রেখে নেড়ে যাবে মাথা :
তারপর দৃপ্ত শাখা মেলে দেব সবার সম্মুখে,
ফোটাব বিস্মিত ফুল প্রতিবেশী গাছেদের মুখে ।
সংহত কঠিন ঝড়ে দৃঢ়প্রাণ প্রত্যেক শিকড় :
শাখায় শাখায় বাধা, প্রত্যাহত হবে জানি ঝড় ;
অঙ্কুরিত বন্ধু যত মাথা তুলে আমারই আহ্বানে
জানি তারা মুখরিত হবে নব অরণ্যের গানে ।
আগামী বসন্তে জেনো মিশে যাব বৃহত্তর দলে ;
জয়ধ্বনি কিশলয়ে : সম্বর্ধনা জানাবে সকলে ।
ক্ষুদ্র আমি তুচ্ছ নই—জানি আমি ভাবী বনম্পতি,
বৃষ্টির, মাটির রসে পাই আমি তারি তো সম্মতি ।
সেদিন ছায়ায় এসো : হানো যদি কঠিন কুঠারে
তবুও তোমায় আমি হাতছানি দেব বারে বারে ;
ফল দেব, ফুল দেব, দেব আমি পাখিরও কৃজন
একই মাটিতে পুষ্ট তোমাদের আপনার জন ॥

রবীন্দ্রনাথের প্রতি

এখনো আমার মনে তোমার উজ্জ্বল উপস্থিতি,
প্রত্যেক নিভৃত ক্ষণে মত্ততা ছড়ায় যথারীতি,
এখনো তোমার গানে সহসা উদ্বেল হয়ে উঠি,
নির্ভয়ে উপেক্ষা করি জঠরের নিঃশব্দ ক্রকুটি ।
এখনো প্রাণের স্তরে স্তরে,
তোমার দানের মাটি সোনার ফসল তুলে ধরে ।
এখনো স্বগত ভাবাবেগে,
মনের গভীর অন্ধকারে তোমার সৃষ্টিরা থাকে জেগে ।
তবুও ক্ষুধিত দিন ক্রমশ সাম্রাজ্য গড়ে তোলে,
গোপনে লাঞ্চিত হই হানাদারী মৃত্যুর কবলে ;
যদিও রক্তাক্ত দিন, তবু দৃষ্ট তোমার সৃষ্টিকে
এখনো প্রতিষ্ঠা করি আমার মনের দিকে দিকে ।

তবুও নিশ্চিত উপবাস

আমার মনের প্রাস্তে নিয়ত ছড়ায় দীর্ঘশ্বাস—
আমি এক ছুঁভিক্ষের কবি,
প্রত্যহ দুঃস্বপ্ন দেখি, মৃত্যুর সুস্পষ্ট প্রতিচ্ছবি ।
আমার বসন্ত কাটে খাচের সারিতে প্রতীক্ষায়,
আমার বিনীত রাতে সতর্ক সাইরেন ডেকে যায়,
আমার রোমাঞ্চ লাগে অযথা নিষ্ঠুর রক্তপাতে,
আমার বিন্ময় জাগে নিষ্ঠুর শৃঙ্খল ছই হাতে ।

তাই আজ আমরা বিশ্বাস,

“শাস্তির ললিত বাণী শোনাইবে ব্যর্থ পরিহাস ।”

তাই আমি চেয়ে দেখি প্রতিজ্ঞা প্রস্তুত ঘরে ঘরে,
দানবের সাথে আজ সংগ্রামের তরে ॥

চাৰাগাছ

ভাঙা কুঁড়ে ঘরে থাকি :
পাশে এক বিরাট প্রাসাদ
প্রতিদিন চোখে পড়ে ;
সে প্রাসাদ কী ছঃসহ স্পৰ্ধায় প্রত্যহ
আকাশকে বন্ধুত্ব জানায় ;
আমি তাই চেয়ে চেয়ে দেখি ।
চেয়ে চেয়ে দেখি আর মনে মনে ভাবি—
এ অট্টালিকার প্রতি ইটের হৃদয়ে
অনেক কাহিনী আছে অত্যন্ত গোপনে,
ঘামের, রক্তের আর চোখের জ্বলের ।
তবু এই প্রাসাদকে প্রতিদিন হাজ্বারে হাজ্বারে
সেলাম জানায় লোকে, চেয়ে থাকে বিমূঢ় বিস্ময়ে ।
আমি তাই এ প্রাসাদে এতকাল ঐশ্বৰ্য দেখেছি,
দেখেছি উন্নত এক বনিয়াদী কীৰ্ত্তির মহিমা ।

হঠাৎ সেদিন
চকিত বিস্ময়ে দেখি
অত্যন্ত প্রাচীন সেই প্রাসাদের কাৰ্নিশের ধারে
অশ্বখ গাছের চাৰা ।

অমনি পৃথিবী
আমার চোখের আর মনের পর্দায়
আসন্ন দিনের ছবি মেলে দিল একটি পলকে ।

ছোট ছোট চাৰাগাছ—
রসহীন খাত্তহীন কাৰ্নিশের ধারে
বলিষ্ঠ শিশুর মতো বেড়ে ওঠে ছরস্ত উচ্ছ্বাসে ।

হঠাৎ চকিতে,
এ শিশুর মধ্যে আমি দেখি এক বৃদ্ধ মহীরুহ
শিকড়ে শিকড়ে আনে অবাধ্য ফাটল
উদ্ধত প্রাচীন সেই বনিয়াদী প্রাসাদের দেহে ।

ছোট ছোট চারাগাছ—
নিঃশব্দে হাওয়ায় দোলে, কান পেতে শোনে :
প্রত্যেক ইঁটের নীচে ঢাকা বহু গোপন কাহিনী
রক্তের, ঘামের আর চোখের জলের ।

তাইতো অবাক আমি, দেখি যত অশ্বখচারায়
গোপনে বিদ্রোহ জমে, জমে দেহে শক্তির বারুদ ;
প্রাসাদ-বিদীর্ণ-করা বন্যা আসে শিকড়ে শিকড়ে ।

মনে হয়, এই সব অশ্বখ-শিশুর
রক্তের, ঘামের আর চোখের জলের
ধারায় ধারায় জন্ম,
ওরা তাই বিদ্রোহের দূত ॥

□

খবর

খবর আসে !
দিগ্দিগন্ত থেকে বিদ্রোহবাহিনী খবর ;
যুদ্ধ, বিদ্রোহ, বন্যা, ছুঁর্ভিক্ষ, ঝড়—
—এখানে সাংবাদিকতার নৈশ নৈশব্দ্য ।
রাত গভীর হয় যন্ত্রের ঝঙ্কত ছন্দে—প্রকাশের ব্যগ্রতায় ;
তোমাদের জীবনে যখন নিদ্রাভিভূত মধ্যরাত্রি
চোখে স্বপ্ন আর ঘরে অন্ধকার ।

অতল অদৃশ্য কথার সমুদ্র থেকে নিঃশব্দ শব্দেরা উঠে আসে ;
অভ্যস্ত হাতে খবর সাজাই—

ভাষা থেকে ভাষান্তর করতে কখনো চমকে উঠি,
দেখি যুগ থেকে যুগান্তর ।
কখনো হাত কেঁপে ওঠে খবর দিতে ;
বাইশে শ্রাবণ, বাইশে জুনে ।

তোমাদের ঘুমের অন্ধকার পথ বেয়ে
খবর-পরীরা এখানে আসে তোমাদের আগে,
তাদের পেয়ে কখনো কণ্ঠে নামে ব্যথা, কখনো বা আসে গান ;
সকালে দিনের আলোয় যখন তোমাদের কাছে তারা পৌঁছোয়
তখন আমাদের চোখে তাদের ডানা ঝরে গেছে ।

তোমরা খবর পাও,
শুধু খবর রাখো না কারো বিনিজ্জ চোখ আর উৎকর্ষ কানের ।
ঐ কম্পোজিটর কি কখনো চমকে ওঠে নিখুঁত যান্ত্রিকতার
কোনো ফাঁকে ?

পুরনো ভাঙা চশমায় ঝাপসা মনে হয় পৃথিবী—
৯ই আগস্টে কি আসাম সীমান্ত আক্রমণে ?
জলে ওঠে কি স্থালিনগ্রাদের প্রতিরোধে, মহাআজীর মুক্তিভে,
প্যারিসের অভ্যুত্থানে ?
দুঃসংবাদকে মনে হয় না কি
কালো অন্ধরের পরিচ্ছদে শোকযাত্রা ?
যে খবর প্রাণের পক্ষপাতিন্বে অভিষিক্ত
আত্মপ্রকাশ করে না কি বড় হরফের সম্মানে ?
এ প্রশ্ন অব্যক্ত অনুচ্চারিত থাকে
ভোরবেলাকার কাগজের পরিচ্ছন্ন ভাঁজে ভাঁজে ।

শুধু আমরা দৈনন্দিন ইতিহাস লিখি !

তবু ইতিহাস মনে রাখবে না আমাদের—
 কে আর মনে রাখে নবান্নের দিনে কাটা ধানের গুচ্ছকে ?
 কিন্তু মনে রেখো তোমাদের আগেই আমরা খবর পাই
 মধ্যরাত্রির অন্ধকারে
 তোমাদের তন্দ্রার অগোচরেও ।
 তাই তোমাদের আগেই খবর-পরীরা এসেছে আমাদের
 চেতনার পথ বেয়ে
 আমার হৃদয়স্ত্রে ঘা লেগে বেজে উঠেছে কয়েকটি কথা—
 পৃথিবী মুক্ত—জনগণ চূড়ান্ত সংগ্রামে জয়ী ।
 তোমাদের ঘরে আজো অন্ধকার, চোখে স্বপ্ন ।
 কিন্তু জানি একদিন সে সকাল আসবেই
 যেদিন এই খবর পাবে প্রত্যেকের চোখেমুখে
 সকালের আলোয়, ঘাসে ঘাসে পাতায় পাতায় ।

আজ তোমরা এখনো ঘুমে ॥



ইউরোপের উদ্দেশে

ওখানে এখন মে-মাস তুষার-গলানো দিন,
 এখানে অগ্নি-ঝরা বৈশাখ নিদ্রাহীন ;
 হয়তো ওখানে শুরু মস্তুর দক্ষিণ হাওয়া ;
 এখানে বোশেখী ঝড়ের ঝাপটা পশ্চাৎ ধাওয়া ;
 এখানে সেখানে ফুল ফোটে আজ তোমাদের দেশে
 কত রঙ, কত বিচিত্র নিশি দেখা দেয় এসে ।
 ঘর ছেড়ে পথে বেরিয়ে পড়েছে কত ছেলেমেয়ে
 এই বসন্তে কত উৎসব কত গান গেয়ে ।

এখানে তো ফুল শুকনো, ধূসর রঙের ধুলোয়
 ঝাঁ-ঝাঁ করে সারা দেশটা, শাস্তি গিয়েছে চুলোয় ।
 কঠিন রোদের ভয়ে ছেলেমেয়ে বন্ধ ঘরে,
 সব চুপচাপ : জাগবে হয়তো বোশেখী ঝড়ে ।
 অনেক খাটুনি, অনেক লড়াই করার শেষে
 চারিদিকে ক্রমে ফুলের বাগান তোমাদের দেশে ;
 এদেশে যুদ্ধ মহামারী, ভুখা জলে হাড়ে হাড়ে—
 অগ্নিবর্ষী গ্রীষ্মের মাঠে তাই ঘুম কাড়ে
 বেপরোয়া প্রাণ ; জমে দিকে দিকে আজ লাখে লাখ—
 তোমাদের দেশে মে-মাস ; এখানে ঝোড়ো বৈশাখ ॥

□

প্রস্তাব

কালো মৃত্যুরা ডেকেছে আজকে স্বয়ম্বরায়,
 নানাদিকে নানা হাতছানি দেখি বিপুল ধরায় ।
 ভীত মন খোঁজে সহজ পন্থা, নিষ্ঠুর চোখ ;
 তাই বিষাক্ত আশ্বাদময় এ মর্তলোক,
 কেবলি এখানে মনের দ্বন্দ্ব আঁগুন ছড়ায় ।

অবশেষে ভুল ভেঙেছে, জোয়ার মনের কোণে,
 তীব্র ঝকুটি হেনেছি কুটিল ফুলের বনে ;
 অভিশাপময় যে সব আত্মা আজো অধীর,
 তাদের সকাশে রেখেছি প্রাণের দৃঢ় শিবির ;
 নিজেকে মুক্ত করেছি আত্মসমর্পণে ।

চাঁদের স্বপ্নে ধুয়ে গেছে মন যে-সব দিনে,
 তাদের আজকে শত্রু বলেই নিয়েছি চিনে,

হীন স্পর্ধারা ধূর্তের মতো শক্তিশালে—

ছিনিয়ে আমায় নিতে পারে আজ্ঞা সুযোগ পেলে
তাই সতর্ক হয়েছি মনকে রাখি নি ঋণে ।

অসংখ্য দিন কেটেছে শ্রাণের বৃথা রোদনে
নরম সোফায় বিপ্লবী মন উদ্বোধনে ;
আজকে কিন্তু জনতা-জোয়ারে দোলে প্লাবন,
নিরল মনে রক্তিম পথ অনুধাবন,
করছে পৃথিবী পূর্ব-পন্থা সংশোধনে ।

অস্ত্র ধরেছি এখন সমুখে শত্রু চাই,
মহামারণের নির্ভুর ব্রত নিয়েছি তাই ;
পৃথিবী জটিল, জটিল মনের সম্ভাষণ
তাদের প্রভাবে রাখি নি মনেতে কোনো আসন,
ভুল হবে জানি তাদের আজকে মনে করাই ॥

□

প্রার্থী

হে সূর্য ! শীতের সূর্য !
হিমশীতল সুদীর্ঘ রাত তোমার প্রতীক্ষায়
আমরা থাকি,
যেমন প্রতীক্ষা ক'রে থাকে কৃষকদের চঞ্চল চোখ,
ধানকাটার রোমাঞ্চকর দিনগুলির জন্তে ।

হে সূর্য, তুমি তো জানো,
আমাদের গরম কাপড়ের কত অভাব !
সারারাত খড়কুটো জালিয়ে,
এক-টুকরো কাপড়ে কান ঢেকে,

কত কষ্টে আমরা শীত আটকাই !

সকালের এক-টুকরো রোদ্দুর —

এক-টুকরো সোনার চেয়েও মনে হয় দামী ।

ঘর ছেড়ে আমরা এদিক-ওদিকে যাই—

এক-টুকরো রোদ্দুরের তৃষ্ণায় ।

হে সূর্য !

তুমি আমাদের সঁাতসঁতে ভিজে ঘরে

উত্তাপ আর আলো দিও,

আর উত্তাপ দিও,

রাস্তার ধারের ঐ উলঙ্গ ছেলেটাকে ।

হে সূর্য !

তুমি আমাদের উত্তাপ দিও—

শুনেছি, তুমি এক জ্বলন্ত অগ্নিপিণ্ড,

তোমার কাছে উত্তাপ পেয়ে পেয়ে

একদিন হয়তো আমরা প্রত্যেকেই এক একটা জ্বলন্ত অগ্নিপিণ্ডে

পরিণত হব !

তারপর সেই উত্তাপে যখন পুড়বে আমাদের জড়তা,

তখন হয়তো গরম কাপড়ে ঢেকে দিতে পারবো

রাস্তার ধারের ঐ উলঙ্গ ছেলেটাকে ।

আজ কিন্তু আমরা তোমার অকৃপণ উত্তাপের প্রার্থী ॥

□

একটি মোরগের কাহিনী

একটি মোরগ হঠাৎ আশ্রয় পেয়ে গেল

বিরাট প্রাসাদের ছোট্ট এক কোণে,

ভাঙা প্যাকিং বাস্তবের গাদায়—
 আরো ছ'তিনটি মুরগীর সঙ্গে ।
 আশ্রয় যদিও মিলল,
 উপযুক্ত আহার মিলল না ।
 সুতীক্ষ্ণ চিংকারে প্রতিবাদ জানিয়ে
 গলা ফাটাল সেই মোরগ
 ভোর থেকে সন্ধ্যে পর্যন্ত—
 তবুও সহানুভূতি জানাল না সেই বিরাট শক্ত ইমারত ।
 তারপর শুরু হল তার আঁস্তাকুড়ে আনাগোনা :
 আশ্চর্য ! সেখানে প্রতিদিন মিলতে লাগল
 ফেলে দেওয়া ভাত-রুটির চমৎকার প্রচুর খাবার !
 তারপর এক সময় আঁস্তাকুড়েও এল অংশীদার—
 ময়লা ছেঁড়া ঞাকড়া পরা ছ'তিনটে মানুষ ;
 কাজেই দুর্বলতর মোরগের খাবার গেল বন্ধ হয়ে ।
 খাবার ! খাবার ! খানিকটা খাবার !
 অসহায় মোরগ খাবারের সন্ধানে
 বার বার চেষ্টা ক'রল প্রাসাদে ঢুকতে,
 প্রত্যেকবারই তাড়া খেল প্রচণ্ড ।
 ছোট্ট মোরগ ঘাড় উঁচু করে স্বপ্ন দেখে—
 'প্রাসাদের ভেতর রাশি রাশি খাবার' !
 তারপর সত্যিই সে একদিন প্রাসাদে ঢুকতে পেল,
 একেবারে সোজা চলে এল
 ধ্বংসে সাদা দামী কাপড়ে ঢাকা খাবার টেবিলে ;
 অবশ্য খাবার খেতে নয়—
 খাবার হিসেবে ॥

সিঁড়ি

আমরা সিঁড়ি,

তোমরা আমাদের মাড়িয়ে

প্রতিদিন অনেক উঁচুতে উঠে যাও,
তারপর ফিরেও তাকাও না পিছনের দিকে ;
তোমাদের পদধূলিধন্য আমাদের বুক
পদাঘাতে ক্ষতবিক্ষত হয়ে যায় প্রতিদিন ।

তোমরাও তা জানো,

তাই কার্পেটে মুড়ে রাখতে চাও আমাদের বুকের ক্ষত
ঢেকে রাখতে চাও তোমাদের অত্যাচারের চিহ্নকে
আর চেপে রাখতে চাও পৃথিবীর কাছে
তোমাদের গর্বোদ্ধত, অত্যাচারী পদধ্বনি ।

তবু আমরা জানি,

চিরকাল আর পৃথিবীর কাছে
চাপা থাকবে না
আমাদের দেহে তোমাদের এই পদাঘাত ।
আর সম্রাট হুমায়ূনের মতো
একদিন তোমাদেরও হতে পারে পদস্থলন ॥

□

কলম

কলম, তুমি কত না যুগ কত না কাল ধ'রে
অক্ষরে অক্ষরে
গিয়েছ শুধু ক্লাস্তিহীন কাহিনী শুরু ক'রে ।

কলম, তুমি কাহিনী লেখো, তোমার কাহিনী কি
ছুঃখে জলে তলোয়ারের মতন ঝিকিমিকি ?

কলম, তুমি শুধু বারংবার,
আনত ক'রে ক্লাস্ত ঘাড়
গিয়েছ লিখে স্বপ্ন আর পুরনো কত কথা,
সাহিত্যের দাসত্বের ক্ষুধিত বশ্যতা ।
ভগ্ন নিব, রুগ্ন দেহ, জলের মতো কালি,
কলম, তুমি নিরপরাধ তবুও গালাগালি
খেয়েছ আর সয়েছ কত লেখকদের ঘৃণা,
কলম, তুমি চেষ্টা কর, দাঁড়াতে পার কি না ।

হে কলম ! তুমি কত ইতিহাস গিয়েছ লিখে
লিখে লিখে শুধু ছড়িয়ে দিয়েছ চতুর্দিকে ।
তবু ইতিহাস মূল্য দেবে না, এতটুকু কোণ
দেবে না তোমায়, জেনো ইতিহাস বড়ই কৃপণ ;
কত লাঞ্ছনা, খাটুনি গিয়েছে লেখকের হাতে
ঘুমহীন চোখে অবিশ্রান্ত অজস্র রাতে ।
তোমার গোপন অশ্রু তাইতো ফসল ফলায়
বহু সাহিত্য বহু কাব্যের বুকের তলায় ।
তবু দেখ বোধ নেই লেখকের কৃতজ্ঞতা,
কেন চলবে এ প্রভুর খেয়ালে, লিখবে কথা ?

হে কলম ! হে লেখনী ! আর কত দিন
ঘর্ষণে ঘর্ষণে হবে ক্ষীণ ?
আর কত মৌন-মুক, শব্দহীন দ্বিধাধিত বৃকে
কালির কলঙ্ক চিহ্ন রেখে দেবে মুখে ?
আর কত আর
কাটবে ছুঃসহ দিন দুর্বীর লজ্জার ?

এ দাসত্ব ঘুচে যাক, এ কলঙ্ক মুছে যাক আজ,
কাজ কর—কাজ ।

মজুর দেখ নি তুমি ? হে কলম, দেখ নি বেকার ?
বিদ্রোহ দেখনি তুমি ? রক্তে কিছূ পাও নি শেখার ?
কত না শতাব্দী, যুগ থেকে তুমি আজো আছ দাস,
প্রত্যেক লেখায় শুনি কেবল তোমার দীর্ঘশ্বাস !
দিন নেই, রাত্রি নেই, শ্রান্তিহীন, নেই কোনো ছুটি,
একটু অবাধ্য হলে তখুনি জ্রকুটি ;
এমনি করেই কাটে ছুর্ভাগা তোমার বারো মাস,
কয়েকটি পয়সায় কেনা, হে কলম, তুমি ক্রীতদাস ।
তাই যত লেখ, তত পরিশ্রম এসে হয় জড়ো :
—কলম ! বিদ্রোহ আজ ! দল বেঁধে ধর্মঘট করো ।
লেখক স্তম্ভিত হোক, কেরানীরা ছেড়ে দিক হাঁফ, *
মহাজনী বন্ধ হোক, বন্ধ হোক মজুরের পাপ ;
উদ্বেগ-আকুল হোক প্রিয়া যত দূর দূর দেশে,
কলম ! বিদ্রোহ আজ, ধর্মঘট, হোক অবশেষে ;
আর কালো কালি নয়, রক্তে আজ ইতিহাস লিখে
দেওয়ালে দেওয়ালে এঁটে, হে কলম,
আনো দিকে দিকে ॥

□

আগ্নেয়গিরি

কখনো হঠাৎ মনে হয় :

আমি এক আগ্নেয় পাহাড় ।

শাস্তির ছায়া-নিবিড় গুহায় নিদ্রিত সিংহের মতো

চোখে আমার বহু দিনের তন্দ্রা ।

এক বিস্ফোরণ থেকে আর এক বিস্ফোরণের মাঝখানে
আমাকে তোমরা বিক্রমে বিন্দু করেছ বারংবার
আমি পাথর : আমি তা সহ্য করেছি ।

মুখে আমার মূছ হাসি,
বুকে আমার পুঞ্জীভূত ফুটন্ত লাভা ।
সিংহের মতো আধ-বোজা চোখে আমি কেবলি দেখছি :
মিথ্যার ভিতে কল্পনার মশলায় গড়া তোমাদের শহর,
আমাকে ঘিরে রচিত উৎসবের নির্বোধ অমরাবতী,
বিক্রমের হাসি আর বিদ্বেষের আতস-বাজি—
তোমাদের নগরে মদমত্ত পূর্ণিমা ।

দেখ, দেখ :
ছায়াঘন, অরণ্য-নিবিড় আমাকে দেখ ;
দেখ আমার নিরুদ্দিগ্ন বস্তুতা ।
তোমাদের শহর আমাকে বিক্রম করুক,
কুঠারে কুঠারে আমার খৈর্যকে করুক আহত,
কিছুতেই বিশ্বাস ক'রো না—
আমি ভিসুভিয়স-ফুজিয়ামার সহোদর ।
তোমাদের কাছে অজ্ঞাত থাক
ভেতরে ভেতরে মোচড় দিয়ে ওঠা আমার অগ্ন্যুৎসর্গ,
অরণ্যে ঢাকা অন্তর্নিহিত উত্তাপের জ্বালা ।

তোমার আকাশে ফ্যাকাশে প্রেত আলো,
বুনো পাহাড়ে মূছ-ধোঁয়ার অবগুণ্ঠন :
ও কিছু নয়, হয়তো নতুন এক মেঘদূত ।
উৎসব কর, উৎসব কর—
ভুলে যাও পেছনে আছে এক আগ্নেয় পাহাড়,
ভিসুভিয়স-ফুজিয়ামার জাগ্রত বংশধর ।

আর,
আমার দিন-পঞ্জিকায় আসন্ন হোক
বিশ্ফোরণের চরম, পবিত্র তিথি ॥

□

দুরাশার মৃত্যু

দ্বারে মৃত্যু,
বনে বনে লেগেছে জোয়ার,
পিছনে কি পথ নেই আর ?
আমাদের এই পলায়ন
জেনেছে মরণ,
অমুগামী ধূর্ত পিছে পিছে,
প্রস্থানের চেপ্টা হল মিছে ।

দাবানল !

ব্যর্থ হল শুষ্ক অশ্রুজল,
বেনামী কোঁশল
জেনেছে যে আরণ্যক প্রাণী
তাই শেষে নিমূল বনানী ॥

□

ঠিকানা

ঠিকানা আমার চেয়েছ বন্ধু—
ঠিকানার সন্ধান,
আজ্ঞাও পাও নি ? দুঃখ যে দিলে করব না অভিমান ?

ঠিকানা না হয় না নিলে বন্ধু,
পথে পথে বাস করি,
কখনো গাছের তলাতে
কখনো পর্ণকুটির গড়ি ।
আমি যাযাবর, কুড়াই পথের লুড়ি,
হাজার জনতা যেখানে, সেখানে
আমি প্রতিদিন ঘুরি ।
বন্ধু, ঘরের খুঁজে পাই নাকো পথ,
তাইতো পথের লুড়িতে গড়ব
মজবুত ইমারত ।

বন্ধু, আজকে আঘাত দিও না
তোমাদের দেওয়া ক্ষতে,
আমার ঠিকানা খোঁজ ক'রো শুধু
সূর্যোদয়ের পথে ।
ইন্দোনেশিয়া, যুগোস্লাভিয়া,
রুশ ও চীনের কাছে,
আমার ঠিকানা বহুকাল ধ'রে
জেনো গচ্ছিত আছে ।
আমাকে কি তুমি খুঁজেছ কখনো
সমস্ত দেশ জুড়ে ?
তবুও পাও নি ? তাহলে ফিরেছ
ভুল পথে ঘুরে ঘুরে ।
আমার হৃদিশ জীবনের পথে
মঘসুর থেকে
ঘুরে গিয়েছে যে কিছু দূর গিয়ে
মুক্তির পথে বৈকে ।

বন্ধু, কুয়াশা, সাবধান এই
সূর্যোদয়ের ভোরে ;
পথ হারিও না আলোর আশায়
তুমি একা ভুল ক'রে ।

বন্ধু, আজকে জানি অস্থির
রক্ত, নদীর জল,
নীড়ে পাখি আর সমুদ্র চঞ্চল ।
বন্ধু, সময় হয়েছে এখনো

ঠিকানা অবজ্ঞাত
বন্ধু, তোমার ভুল হয় কেন এত ?
আর কতদিন হুচক্ষু কচলাবে,
জালিয়ানওয়ালায় যে পথের গুরু
সে পথে আমাকে পাবে,
জালালাবাদের পথ ধ'রে ভাই
ধর্মতলার পরে,
দেখবে ঠিকানা লেখা প্রত্যেক ঘরে
ক্ষুদ্র এদেশে রক্তের অক্ষরে ।
বন্ধু, আজকে বিদায় !
দেখেছ উঠল যে হাওয়া ঝোড়ো,
ঠিকানা রইল,
এবার মুক্ত স্বদেশেই দেখা ক'রো ॥

□

লেনিন

লেনিন ভেঙেছে রুশে জনশ্রোতে অগ্নায়ের বাঁধ,
অগ্নায়ের মুখোমুখি লেনিন প্রথম প্রতিবাদ ।

আজকেও রুশিয়ার গ্রামে ও নগরে
 হাজার লেনিন যুদ্ধ করে,
 মুক্তির সীমান্ত ঘিরে বিস্তীর্ণ প্রান্তরে ।
 বিদ্রোহ-ইশায়া চোখে, আজকেও অযুত লেনিন
 ক্রমশ সংক্ষিপ্ত করে বিশ্বব্যাপী প্রতীক্ষিত দিন,—
 বিপর্যস্ত ধনতন্ত্র, কণ্ঠরুদ্ধ, বৃকে আর্তনাদ ;
 —আসে শত্রুজয়ের সংবাদ ।

সযত্ন মুখোশধারী ধনিকেরও বন্ধ আফালন,
 কাঁপে হৃৎযন্ত্র তার, চোখে মুখে চিহ্নিত মরণ ।
 বিপ্লব হয়েছে শুরু, পদানত জনতার ব্যগ্র গাত্রোথানে,
 দেশে দেশে বিক্ষোভ অতর্কিতে অগ্নুৎপাত হানে ।
 দিকে দিকে কোণে কোণে লেনিনের পদধ্বনি
 আজো যায় শোনা,
 দলিত হাজার কণ্ঠে বিপ্লবের আজো সম্বর্ধনা ।
 পৃথিবীর প্রতি ঘরে ঘরে,
 লেনিন সমৃদ্ধ হয় সম্ভাবিত উর্বর জঠরে ।
 আশ্চর্য উদ্দাম বেগে বিপ্লবের প্রত্যেক আকাশে
 লেনিনের সূর্যদীপ্তি রক্তের তরঙ্গে ভেসে আসে ;
 ইতালী, জার্মান, জাপ, ইংলণ্ড, আমেরিকা, চীন,
 যেখানে মুক্তির যুদ্ধ সেখানেই কমরেড লেনিন ।
 অন্ধকার ভারতবর্ষ : বুভুক্ষায় পথে মৃতদেহ—
 অনৈক্যের চোরাবালি ; পরস্পর অযথা সন্দেহ ;
 দরজায় চিহ্নিত নিত্য শত্রুর উদ্ধত পদাঘাত,
 অদৃষ্ট ভৎসনা-ক্রান্ত কাটে দিন, বিমর্ষ রাত
 বিদেশী শৃঙ্খলে পিষ্ট, খ্রাস তার ক্রমাগত ক্ষীণ—
 এখানেও আয়োজন পূর্ণ করে নিঃশব্দে লেনিন ।

লেনিন ভেঙেছে বিখে জনশ্রোতে অস্থায়ের বাঁধ,
অস্থায়ের মুখোমুখি লেনিন জানায় প্রতিবাদ ।
মৃত্যুর সমুদ্রে শেষ ; পালে লাগে উদ্দাম বাতাস
মুক্তির শামল তীর চোখে পড়ে, আন্দোলিত ঘাস ।
লেনিন ভূমিষ্ঠ রক্তে, ক্লীবতার কাছে নেই ঋণ,
বিপ্লব স্পন্দিত বৃকে, মনে হয় আমিই লেনিন ॥

□

অনুভব

॥ ১৯৪০ ॥

অবাক পৃথিবী ! অবাক করলে তুমি
জন্মেই দেখি ক্ষুর স্বদেশভূমি ।
অবাক পৃথিবী ! আমরা যে পরাধীন
অবাক, কী দ্রুত জন্মে ক্রোধ দিন দিন ;
অবাক পৃথিবী ! অবাক করলে আরো —
দেখি এই দেশে অন্ন নেইকো কারো ।
অবাক পৃথিবী ! অবাক যে বারবার
দেখি এই দেশে মৃত্যুরই কারবার ।
হিসেবের খাতা যখনি নিয়েছি হাতে
দেখেছি লিখিত—‘রক্ত খরচ’ তাতে ;
এদেশে জন্মে পদাঘাতই শুধু পেলাম,
অবাক পৃথিবী ! সেলাম, তোমাকে সেলাম !

॥ ১৯৪৬ ॥

বিদ্রোহ আজ বিদ্রোহ চারিদিকে,
আমি যাই তারি দিন-পঞ্জিকা লিখে,

এত বিদ্রোহ কখনো দেখে নি কেউ,
 দিকে দিকে ওঠে অবাধ্যতার ঢেউ ;
 স্বপ্ন-চূড়ার থেকে নেমে এসো সব—
 শুনেছ ? শুনছ উদ্দাম কলরব ?
 নয়! ইতিহাস লিখছে ধর্মঘট,
 রক্তে রক্তে আঁকা প্রচ্ছদপট ।
 প্রত্যহ যারা ঘৃণিত ও পদানত,
 দেখ আজ তারা সবেগে সমুদ্রত ;
 তাদেরই দলের পেছনে আমিও আছি,
 তাদেরই মধ্যে আমিও যে মরি-বাঁচি ।
 তাইতো চলেছি দিন-পঞ্জিকা লিখে—
 বিদ্রোহ আজ ! বিপ্লব চারিদিকে ॥

□

কাশ্মীর

সেই কিশোরী দম-আটকানো কুয়াশা আর নেই
 নেই সেই একটানা তুষার-বৃষ্টি,
 হঠাৎ জেগে উঠেছে—
 সূর্যের ছোঁয়ায় চমকে উঠেছে ভূস্বর্গ ।
 দুহাতে তুষারের পর্দা সরিয়ে ফেলে
 মুঠো মুঠো হলদে পাতাকে দিয়েছে উড়িয়ে,
 ডেকেছে রৌদ্রকে,
 ডেকেছে তুষার-উড়িয়ে-নেওয়া বৈশাখী ঝড়কে,
 পৃথিবীর নন্দন-কানন কাশ্মীর ।
 কাশ্মীরের সুন্দর মুখ কঠোর হল
 প্রচণ্ড সূর্যের উত্তাপে ।

গলে গলে পড়ছে বরফ—

ঝরে ঝরে পড়ছে জীবনের স্পন্দন :

শ্রামল আর সমতল মাটির

স্পর্শ লেগেছে ওর মুখে,

দক্ষিণ সমুদ্রের হাওয়ায় উড়ছে ওর চুল :

আন্দোলিত শাল, পাইন আর দেবদারুর বনে

ঝড়ের পক্ষে আজ সুস্পষ্ট সম্মতি ।

কাশ্মীর আজ আর জমার্ট-বাঁধা বরফ নয় :

সূর্য-করোত্তাপে জাগা কঠোর গ্রীষ্মে

হাজার হাজার চঞ্চল শ্রোত ।

তাই আজ কাল-বৈশাখীর পতাকা উড়ছে

ক্ষুব্ধ কাশ্মীরের উদ্দাম হাওয়ায় হাওয়ায় ;

ছলে ছলে উঠছে

লক্ষ লক্ষ বছর ধরে ঘুমন্ত, নিস্তব্ধ

বিরাট ব্যাপ্ত হিমালয়ের বুক ॥

॥ ২ ॥

দম-আটকানো কুয়াশা তো আর নেই

নেই আর সেই বিস্ত্রী তুষার-বৃষ্টি,

সূর্য ছুঁয়েছে ‘ভূস্বর্গ চঞ্চল’

সহসা জেগেই চমকে উঠেছে দৃষ্টি ।

ছহাতে তুষার-পর্দা সরিয়ে ফেলে

হঠাৎ হলদে পাতাকে দিয়েছে উড়িয়ে,

রোদকে ভেকেছে নন্দনবন পৃথিবীর

বৈশাখী ঝড় দিয়েছে বরফ গুঁড়িয়ে ।

সুন্দর মুখ কঠোর করেছে কাশ্মীর
তীক্ষ্ণ চাহনি সূর্যের উত্তাপে,
গলিত বরফে জীবনের স্পন্দন
শ্যামল মাটির স্পর্শে ও আজ কাঁপে ।

সাগর-বাতাসে উড়ছে আজ ওর চুল
শাল দেবদারু পাইনের বনে ফোভ,
ঝড়ের পক্ষে চূড়ান্ত সম্মতি—
কাশ্মীর নয়, জমাট বাঁধা বরফ ।

কঠোর গ্রীষ্মে সূর্যোত্তাপে জাগা—
কাশ্মীর আজ চঞ্চল-শ্রোত লক্ষ :
দিগ্দিগন্তে ছুটে ছুটে চলে ছুঁবার
হঃসহ ক্রোধে ফুলে ফুলে ওঠে বক্ষ ।

ক্ষুর হাওয়ায় উদ্দাম উঁচু কাশ্মীর
কালবোশেখীর পতাকা উড়ছে নভে,
হলে হলে ওঠে ঘুমন্ত হিমালয়
বহু যুগ পরে বুঝি জাগ্রত হবে ॥

□

সিগারেট

আমরা সিগারেট ।

তোমরা আমাদের বাঁচতে দাও না কেন ?

আমাদের কেন নিঃশেষ করো পুড়িয়ে ?

কেন এত স্বল্প-স্থায়ী আমাদের আয়ু ?

মানবতার কোন্ দোহাই তোমরা পাড়বে ?

আমাদের দাম বড় কম এই পৃথিবীতে ।
তাই কি তোমরা আমাদের শোষণ করো ?
বিলাসের সামগ্রী হিসাবে ফেলো পুড়িয়ে ?
তোমাদের শোষণের টানে আমরা ছাই হই হই :
তোমরা নিবিড় হও আরামের উত্তাপে ।

তোমাদের আরাম : আমাদের মৃত্যু ।
এমনি ক'রে চলবে আর কত কাল ?
আর কতকাল আমরা এমনি নিঃশব্দে ডাকব
আয়ু-হরণকারী তিল তিল অপঘাতকে ?

দিন আর রাত্রি—রাত্রি আর দিন ;
তোমরা আমাদের শোষণ করছ সর্বক্ষণ—
আমাদের বিশ্বাস নেই, মজুরি নেই—
নেই কোনো অল্প-মাত্রার ছুটি ।

তাই, আর নয় ;
আর আমরা বন্দী থাকব না
কৌটোয় আর প্যাকেটে
আঙুলে আর পকেটে ;
সোনা-বাঁধানো 'কেসে' আমাদের নিঃশ্বাস হবে না রুদ্ধ ।
আমরা বেরিয়ে পড়ব,
সবাই একজোটে, একত্রে—
তারপর তোমাদের অসতর্ক মুহূর্তে
জ্বলন্ত আমরা ছিটকে পড়ব তোমাদের হাত থেকে
বিছানায় অথবা কাপড়ে ;
নিঃশব্দে হঠাৎ জ্বলে উঠে
বাড়িসুদ্ধ পুড়িয়ে মারব তোমাদের
যেমন করে তোমরা আমাদের পুড়িয়ে মেরেছ এতকাল ॥

দেশলাই কাঠি

আমি একটা ছোট্ট দেশলাইয়ের কাঠি
এত নগণ্য, হয়তো চোখেও পড়ি না :
তবু জেনো
মুখে আমার উসখুস করছে বারুদ—
বুকে আমার জ্বলে উঠবার ছরস্তু উচ্ছ্বাস ;
আমি একটা দেশলাইয়ের কাঠি ।

মনে আছে সেদিন ছলুসুল বেধেছিল ?
ঘরের কোণে জ্বলে উঠেছিল আশ্বিন—
আমাকে অবজ্ঞাভরে না-নিভিয়ে ছুঁড়ে ফেলায় !
কত ঘরকে দিয়েছি পুড়িয়ে,
কত প্রাসাদকে করেছি ধূলিসাৎ
আমি একাই—ছোট্ট একটা দেশলাই কাঠি ।

এমনি বহু নগর, বহু রাজ্যকে দিতে পারি ছারখার করে
তবুও অবজ্ঞা করবে আমাদের ?
মনে নেই ? এই সেদিন —
আমরা সবাই জ্বলে উঠেছিলাম একই বাস্কে ;
চমকে উঠেছিলে—
আমরা শুনেছিলাম তোমাদের বিবর্ণ মুখের আর্তনাদ ।

আমাদের কী অসীম শক্তি
তা তো অনুভব করেছ বারংবার ;
তবু কেন বোঝো না,
আমরা বন্দী থাকব না তোমাদের পকেটে পকেটে,
আমরা বেরিয়ে পড়ব, আমরা ছড়িয়ে পড়ব
শহরে, গঞ্জে, গ্রামে—দিগন্ত থেকে দিগন্তে ।

আমরা বারবার জ্বলি, নিতান্ত অবহেলায়—
তা তো তোমরা জানোই !
কিন্তু তোমরা তো জানো না :
কবে আমরা জ্বলে উঠব—
সবাই—শেষবারের মতো !

□

বিবৃতি

আমার সোনার দেশে অবশেষে মন্বন্তর নামে,
জমে ভিড় ভ্রষ্টনীড় নগরে ও গ্রামে,
হুর্ভিক্ষের জীবন্ত মিছিল,
প্রত্যেক নিরন্ন প্রাণে বয়ে আনে অনিবার্য মিল ।

আহার্যের অন্বেষণে প্রতি মনে আদিম আগ্রহ
রাস্তায় রাস্তায় আনে প্রতিদিন নগ্ন সমারোহ ;
বুভুক্ষা বেঁধেছে বাসা পথের ছপাশে,
প্রত্যহ বিধাক্ত বায়ু ইতস্তত ব্যর্থ দীর্ঘশ্বাসে ।

মধ্যবিত্ত ধূর্ত সুখ ক্রমে ক্রমে আবরণহীন
নিঃশব্দে ঘোষণা করে দারুণ হুর্দিন.
পথে পথে দলে দলে কঙ্কালের শোভাযাত্রা চলে,
হুর্ভিক্ষ গুঞ্জন তোলে আতঙ্কিত অন্তরমহলে ।
ছয়ারে ছয়ারে ব্যগ্র উপবাসী প্রত্যাশীর দল,
নিঃফল প্রার্থনা-ক্লাস্ত, তীব্র ক্ষুধা অস্তিম সম্বল ;
রাজপথে মৃতদেহ উগ্র দিবালোকে,
বিস্ময় নিক্ষেপ করে অনভ্যস্ত চোখে ।

পরন্তু এদেশে আজ হিংস্র শত্রু আক্রমণ করে,
বিপুল মৃত্যুর শ্রোত টান দেয় প্রাণের শিকড়ে,
নিয়ত অন্ডায় হানে জরাগ্রস্ত বিদেশী শাসন,
ক্ষীণায়ু কোষ্ঠীতে নেই ধ্বংস-গর্ভ সংকটনাশন ।
সহসা অনেক রাত্রে দেশদ্রোহী ঘাতকের হাতে
দেশপ্রেমে দৃষ্ট প্রাণ রক্ত ঢালে সূর্যের সাক্ষাতে ।

তবুও প্রতিজ্ঞা ফেরে বাতাসে নিভৃত,
এখানে চল্লিশ কোটি এখনো জীবিত,
ভারতবর্ষের 'পরে গলিত সূর্য ঝরে আজ—
দিশ্বিদিকে উঠেছে আওয়াজ,
রক্তে আনো লাল,
রাত্রির গভীর বৃন্ত থেকে ছিঁড়ে আনো ফুটন্ত সকাল ।
উদ্ধত প্রাণের বেগে উন্মুখর আমার এ দেশ,
আমার বিধ্বস্ত প্রাণে দৃঢ়তার এসেছে নির্দেশ ।

আজকে মজুর ভাই দেশময় তুচ্ছ করে প্রাণ,
কারখানায় কারখানায় তোলে ঐকতান ।
অভুক্ত কৃষক আজ সৃষ্টীমুখ লাঙলের মুখে
নির্ভয়ে রচনা করে জঙ্গী কাব্য এ মাটির বৃকে ।
আজকে আসন্ন মুক্তি দূর থেকে দৃষ্টি দেয় শোন,
এদেশে ভাণ্ডার ভ'রে দেবে জানি নতুন যুক্ত্রেন ।

নিরন্ন আমার দেশে আজ তাই উদ্ধত জেহাদ,
টলোমলো এ ছুর্দিন, থরোথরো জীর্ণ বনিয়াদ ।
তাইতো রক্তের শ্রোতে শুনি পদধ্বনি
বিফুকু টাইফুন-মত্ত চঞ্চল ধমনী :

বিপন্ন পৃথ্বীর আজ শুনি শেষ মুহূর্মুহ ডাক
আমাদের দৃষ্ট মুঠি আজ তার উত্তর পাঠাক ।
ফিক্কক ছয়ার থেকে সন্ধানী মৃত্যুর পরোয়ানা,
ব্যর্থ হোক কুচক্রান্ত, অবিরাম বিপক্ষের হানা ॥

□

চিল

পথ চলতে চলতে হঠাৎ দেখলাম :

ফুটপাতে এক মরা চিল ।

চমকে উঠলাম ওর করুণ বীভৎস মূর্তি দেখে ।

অনেক উঁচু থেকে যে এই পৃথিবীটাকে দেখেছে

লুপ্তনের অবাধ উপনিবেশ ;

যার শোন দৃষ্টিতে কেবল ছিল

তীব্র লোভ আর ছোঁ মারার দম্বা প্রবৃত্তি—

তাকে দেখলাম, ফুটপাতে মুখ গুঁজে প'ড়ে ।

গম্বুজশিখরে বাস করত এই চিল,

নিজেকে জাহির করত স্মৃতিস্তম্ভ চীৎকারে ;

হালকা হাওয়ায় ডানা মেলে দিত আকাশের নীলে—

অনেককে ছাড়িয়ে : একক :

পৃথিবী থেকে অনেক, অনেক উঁচুতে ।

অনেকে আজ নিরাপদ ;

নিরাপদ হাঁড়ুর ছানারা আর খাড়া-হাতে ব্রহ্ম পথচারী,

নিরাপদ—কারণ আজ সে মৃত ।

আজ আর কেউ নেই ছোঁ মারার,

ওরই ফেলে-দেওয়া উচ্ছিষ্টের মতো

ও পড়ে রইল ফুটপাতে,
শুকনো, শীতল, বিকৃত দেহে ।

হাতে যাদের ছিল প্রাণধারণের খাণ্ড
বৃকের কাছে সযত্নে চেপে ধরা—
তারা আজ এগিয়ে গেল নির্ভয়ে ;
নিষ্ঠুর বিক্রমের মতো পিছনে ফেলে
আকাশচ্যুত এক উদ্ধত চিলকে ॥

□

চট্টগ্রাম : ১৯৪৩

ক্ষুধার্ত বাতাসে শুনি এখানে নিভৃত এক নাম—
চট্টগ্রাম : বীর চট্টগ্রাম !
বিস্মৃত বিধবস্ত দেহে অদ্ভুত নিঃশব্দ সহিষ্ণুতা
আমাদের স্নায়ুতে স্নায়ুতে
বিদ্যাপ্রবাহ আনে, আনে আজ চেতনার দিন ।
চট্টগ্রাম : বীর চট্টগ্রাম !
এখনো নিস্তব্ধ তুমি
তাই আজো পাশবিকতার
দুঃসহ মহড়া চলে,
তাই আজো শত্রুরা সাহসী ।
জানি আমি তোমার হৃদয়ে
অজস্র ঔদার্য আছে ; জানি আছে সুস্থ শালীনতা
জানি তুমি আঘাতে আঘাতে
এখনও স্তিমিত নও, জানি তুমি এখনো উদ্দাম—
হে চট্টগ্রাম !

তাই আজো মনে পড়ে রক্তাক্ত তোমাকে
 সহস্র কাজের ফাঁকে মনে পড়ে শার্হুলের ঘুম
 অরণ্যের স্বপ্ন চোখে, দাঁতে নখে প্রতিজ্ঞা কঠোর ।
 হে অভুক্ত ক্ষুধিত স্বাপদ—
 তোমার উত্তত থাবা, সংঘবদ্ধ প্রতিটি নখর
 এখনো হয় নি নিরাপদ ।
 দিগন্তে দিগন্তে তাই ধ্বনিত গর্জন
 তুমি চাও শোণিতের স্বাদ—
 যে স্বাদ জেনেছে স্তালিনগ্রাদ ।
 তোমার সংকল্পশ্রোতে ভেসে যাবে লোহার গরাদ
 এ তোমার নিশ্চিত বিশ্বাস ।
 তোমার প্রতিজ্ঞা তাই আমার প্রতিজ্ঞা, চট্টগ্রাম !
 আমার হৃৎপিণ্ডে আজ তারি লাল স্বাক্ষর দিলাম ॥



মধ্যবিত্ত '৪২

পৃথিবীময় যে সংক্রামক রোগে,
 আজকে সকলে ভুগছে একযোগে,
 এখানে খানিক তারই পূর্বাভাস
 পাচ্ছি, এখন বইছে পূব-বাতাস ।
 উপায় নেই যে সামলে ধরব হাল,
 হিংস্র বাতাসে ছিঁড়ল আজকে পাল,
 গোপনে আগুন বাড়ছে ধানক্ষেতে,
 বিদেশী খবরে রেখেছি কান পেতে ।
 সভয়ে এদেশে কাটছে রাত্রিদিন,
 লুক্ক বাজারে রুগ্ন স্বপ্নহীন ।

সহসা নেতারা রুদ্ধ—দেশ জুড়ে
'দেশপ্রেমিক' উদ্ভিত ভুই ফুঁড়ে ।
প্রথমে তাদের অঙ্ক বীর মদে
মেতেছি এবং ঠেকেছি প্রতিপদে ;
দেখেছি সুবিধা নেই এ কাজ করায়
একক চেষ্টা কেবলই ভুল ধরায় ।
এদিকে দেশের পূর্ব প্রান্তরে
আবার বোমারু রক্ত পান করে,
স্কন্ধ জনতা আসামে, চাটগাঁয়ে,
শাণিত-দ্বৈত-নয় অহ্মায়ে ;
তাদের স্বার্থ আমার স্বার্থকে,
দেখছে চেতনা আজকে এক চোখে ॥

□

সেপ্টেম্বর '৪৬

কলকাতায় শাস্তি নেই ।
রক্তের কলঙ্ক ডাকে মধ্যরাত্রে
প্রতিটি সন্ধ্যায় ।
স্বয়ংস্পন্দনধ্বনি দ্রুত হয় :
মুর্ছিত শহর ।
এখন গ্রামের মতো
সন্ধ্যা হলে জনহীন নগরের পথ ;
সুস্তম্বিত আলোকস্তম্ব
আলো দেয় নিতাস্ত সন্ধ্যায় ।
কোথায় দোকানপাট ?
কই সেই জনতার শ্রোত ?

সন্ধ্যার আলোর বস্মা
 আন্ধ আর তোলে নাকে।
 জনতরঙ্গীর পাল
 শহরের পথে ।
 ট্রাম নেই, বাস নেই—
 সাহসী পথিকহীন
 এ শহর আতঙ্ক ছড়ায় ।
 সারি সারি বাড়ি সব
 মনে হয় কবরের মতো,
 মৃত মানুষের স্তূপ বুকে নিয়ে পড়ে আছে
 চুপ ক'রে সভয়ে নির্জনে ।
 মাঝে মাঝে শব্দ হয় :
 মিলিটারী লরীর গর্জন
 পথ বেয়ে ছুটে যায় বিদ্যুতের মতো
 সদস্ত আক্রোশে ।
 কলঙ্কিত কালো কালো রক্তের মতন
 অন্ধকার হানা দেয় অতল শহরে ;
 হয়তো অনেক রাত্রে
 পথচারী কুকুরের দল
 মানুষের দেখাদেখি
 স্বজাতিকে দেখে
 আফালন, আক্রমণ করে ।
 রুদ্ধশ্বাস এ শহর
 ছটফট করে সারা রাত —
 কখন সকাল হবে ?
 জীয়েনকাঠির স্পর্শ
 পাওয়া যাবে উজ্জ্বল রোদ্দুরে ?

সন্ধ্যা থেকে প্রাত্যহের দীর্ঘকাল
প্রহরে প্রহরে
সশব্দে জিজ্ঞাসা করে ঘড়ির ঘন্টায়
দৈর্ঘহীন শহরের প্রাণ :
এর চেয়ে ছুরি কি নির্ভুর ?
বাহুড়ের মতো কালো অন্ধকার
ভর ক'রে গুঞ্জবের ডানা
উৎকর্ণ কানের কাছে
সারা রাত ঘুরপাক খায় ।
স্বরূতা কাঁপিয়ে দিয়ে
কখনো বা গৃহস্থের দ্বারে
উদ্ধত, অটল আর সুগম্ভীর
শব্দ ওঠে কঠিন বুটের ।

শহর মূর্ছিত হয়ে পড়ে ।

জুলাই ! জুলাই ! আবার আসুক ফিরে
আজকের কলকাতার এ প্রার্থনা ;
দিকে দিকে শুধু মিছিলের কোলাহল—
এখনো পায়ের শব্দ যাচ্ছে শোনা ।

অক্টোবরকে জুলাই হতেই হবে
আবার সবাই দাঁড়াব সবার পাশে,
আগস্ট এবং সেপ্টেম্বর মাস
এবারের মতো মুছে যাক ইতিহাসে ॥

ঐতিহাসিক

আজ এসেছি তোমাদের ঘরে ঘরে—
পৃথিবীর আদালতের পরোয়ানা নিয়ে
তোমরা কি দেবে আমার প্রশ্নের কৈফিয়ৎ :
কেন মৃত্যুকীর্ণ শবে ভরলো পঞ্চাশ সাল ?
আজ বাহান্ন সালের সূচনায় কি তার উত্তর দেবে ?
জানি ! স্তব্ধ হয়ে গেছে তোমাদের অগ্রগতির শ্রোত,
তাই দীর্ঘশ্বাসের ধোঁয়ায় কালো করছ ভবিষ্যৎ
আর অনুশোচনার আঙুনে ছাই হচ্ছে উৎসাহের কয়লা ।
কিস্ত ভেবে দেখেছ কি ?
দেরি হয়ে গেছে অনেক, অনেক দেরি !
লাইনে দাঁড়ানো অভ্যেস কর নি কোনোদিন,
একটি মাত্র লক্ষ্যের মুখোমুখি দাঁড়িয়ে
মারামারি করেছ পরস্পর,
তোমাদের ঐক্যহীন বিশৃঙ্খলা দেখে
বন্ধ হয়ে গেছে মুক্তির দোকানের ঝাঁপ ।
কেবল বঞ্চিত বিহ্বল বিমূঢ় জিজ্ঞাসাভরা চোখে
প্রত্যেকে চেয়েছে প্রত্যেকের দিকে ;
—কেন এমন হল ?

একদা দুর্ভিক্ষ এল
ক্ষুধার ক্ষমাহীন তাড়নায়
পাশাপাশি ঘেঁষাঘেঁষি সবাই দাঁড়ালে একই লাইনে
ইতর-ভদ্র, হিন্দু আর মুসলমান
একই বাতাসে নিলে নিঃশ্বাস ।
চাল, চিনি, কয়লা, কেরোসিন ?
এ সব দুপ্রাপ্য জিনিসের জন্ম চাই লাইন ।

কিন্তু বুঝলে না মুক্তিও ছুঁলভ আর ছুমূল্য,
তারো জন্তে চাই চল্লিশ কোটির দীর্ঘ, অবিচ্ছিন্ন এক লাইন ।

মূর্খ তোমরা

লাইন দিলে : কিন্তু মুক্তির বদলে কিনলে মৃত্যু,
রক্তক্ষয়ের বদলে পেলে প্রবঞ্চনা ।

ইতিমধ্যে তোমাদের বিবদমান বিশৃঙ্খল ভিড়ে
মুক্তি উঁকি দিয়ে গেছে বছবার ।

লাইনে দাঁড়ানো আয়ত্ত করেছে যারা,
সোভিয়েট, পোল্যান্ড, ফ্রান্স

রক্তমূল্যে তারা কিনে নিয়ে গেল তাদের মুক্তি
সব প্রথম এই পৃথিবীর দোকান থেকে ।

এখনো এই লাইনে অনেকে প্রতীক্ষমান,
প্রার্থী অনেক ; কিন্তু পরিমিত মুক্তি ।

হয়তো এই বিশ্বব্যাপী লাইনের শেষে
এখনো তোমাদের স্থান হতে পারে—

এ কথা ঘোষণা ক'রে দাও তোমাদের দেশময়

প্রতিবেশীর কাছে ।

তারপর নিঃশব্দে দাঁড়াও এ লাইনে প্রতিজ্ঞা

আর প্রতীক্ষা নিয়ে

হাতের মুঠোয় তৈরী রেখে প্রত্যেকের প্রাণ ।

আমি ইতিহাস, আমার কথাটা একবার ভেবে দেখো,
মনে রেখো, দেরি হয়ে গেছে, অনেক অনেক দেরি ।

আর মনে ক'রো আকাশে আছে এক ধ্রুব নক্ষত্র,
নদীর ধারায় আছে গতির নির্দেশ,

'অরণ্যের মর্মরধ্বনিতে আছে আন্দোলনের ভাষা,

আর আছে পৃথিবীর চিরকালের আবর্তন ॥

শত্রু এক

এদেশ বিপন্ন আজ ; জানি আজ নিরন্ন জীবন—
মৃত্যুরা প্রত্যহ সঙ্গী, নিয়ত শত্রুর আক্রমণ
রক্তের আলনা ঠাঁকে, কানে বাজে আর্তনাদ সুর ;
তবুও সুদৃঢ় আমি, আমি এক ক্ষুধিত মজুর ।
আমার সম্মুখে আজ এক শত্রু : এক লাল পথ,
শত্রুর আঘাত আর বুভুক্ষায় উদ্দীপ্ত শপথ ।
কঠিন প্রতিজ্ঞা-স্তব্দ আমাদের দৃপ্ত কারখানায়,
প্রত্যেক নির্বাক যন্ত্র প্রতিরোধ সংকল্প জানায় ।
আমার হাতের স্পর্শে প্রতিদিন যন্ত্রের গর্জন
স্মরণ করায় পণ ; অবসাদ দিই বিসর্জন ।
বিক্ষুব্ধ যন্ত্রের বৃকে প্রতিদিন যে যুদ্ধ ঘোষণা,
সে যুদ্ধ আমার যুদ্ধ, তারই পথে স্তব্দ দিন গোনা ।
অদূর দিগন্তে আসে ক্ষিপ্ত দিন, জয়োন্মত্ত পাখা—
আমার দৃষ্টিতে লাল প্রতিবিশ্ব মুক্তির পতাকা ।
আমার বেগাক হাত, অবিরাম যন্ত্রের প্রসব
প্রচুর প্রচুর সৃষ্টি, শেষ বজ্র সৃষ্টির উৎসব ॥

□

মজুরদের ঝড়

(ল্যাংস্টন হিউজ)

এখন এই তো সময়—

কই ? কোথায় ? বেরিয়ে এসো ধর্মঘটভাঙা দালালরা ;

সেই সব দালালরা—

ছেলেদের চোখের মতো যাদের ভোল বদলায়,

বেরিয়ে এসো !

জাহান্নমে যাওয়া মুর্খের দল,
বিচ্ছিন্ন, তিক্ত, ছর্বোধ্য
পরাজয় আর মৃত্যুর দূত—
বেরিয়ে এসো !

বেরিয়ে এসো শক্তিমান আর অর্থলোভীর দল
সংকীর্ণ গলির বিষাক্ত নিঃশ্বাস নিয়ে ।
গর্তের পোকারা !

এই তো তোমাদের শুভক্ষণ,
গর্ত ছেড়ে বেরিয়ে পড়ো
আর বেরিয়ে পড়ো ছোট ছোট সাপেরা
বড় আর মোটা সাপেদের যারা ঘিরে থাকে ।
সময় হয়েছে,

আসরফি আর পুরনো অপমানের বদলে
সাদা যাদের পেট—

বংশগত সরীসৃপ দাঁত তারা বের করুক,
এই তো তাদের সুযোগ ।
মানুষ ভালো করেই জানে
অনেক মানুষের বিরুদ্ধে একজনকে লাগানোর সেই

পুরনো কায়দা ।

সামান্য কয়েকজন লোভী
অনেক অভাবীর বিরুদ্ধে—
আর স্বাস্থ্যবানদের বিরুদ্ধে
ক্ষয়ে-যাওয়ার দল ।

সূর্যালোকের পথে যাদের যাত্রা
তাদের বিরুদ্ধে তাই সাপেরা ।

অতীতে অবশ্য এই সাপেরা জিতেছে বহুবার ।

কিন্তু এখন সেই সময়,
সচেতন মানুষ ! এখন আর ভুল ক'রো না—
বিশ্বাস ক'রো না সেই সব সাপেদের
জমকালো চামড়ায় যারা নিজেদের ঢেকে রাখে,
বিপদে পড়লে যারা ডাকে
তাদের চেয়ে কম চটকদার বিধাক্ত অনুচরদের ।
এতটুকু লজ্জা হয় না তাদের ধর্মঘট ভাঙতে
যে ধর্মঘট বেআক্ৰ ক্ষুধার চূড়ান্ত চিহ্ন ।

—অবশ্য, এখনো কোনো সম্মানিত প্রতিষ্ঠান হয় নি
যার অজ্ঞাত নাম :
“ধর্মঘট ভাঙার দল”
অস্তুত দরজায় সে নাম লেখা থাকে না ।
ঝড় আসছে—সেই ঝড় :
যে ঝড় পৃথিবীর বুক থেকে অঞ্জালদের টেনে তুলবে ।
আর হুঁশিয়ার মজুর :
সে ঝড় প্রায় মুখোমুখি ॥

□

ডাক

মুখে-মুহু-হাসি অহিংস বৃদ্ধের
ভূমিকা চাই না । ডাক ওঠে যুদ্ধের ।
গুলি বেঁধে বৃকে উদ্ধত ভবু মাথা—
হাতে হাতে ফেরে দেনা-পাওনার খাতা,
শোনো ছুঁকার কোটি অবরুদ্ধের ।

ছুভিক্ষকে তাড়াও, ওদেরও তাড়াও—
সন্ধিপত্র মাড়াও, ছপায়ে মাড়াও ।
তিন-পতাকার মিনতি : দেবে না সাড়াও ?
অসহ জ্বালা কোটি কোটি ক্রুদ্ধের !

ক্ষতবিক্ষত নতুন সকাল বেলা,
শেষ করব এ রক্তের হোলিখেলা,
ওঠো সোজা হয়ে, পায়ে পায়ে লাগে ঠেলা
দেখ, ভিড় দেখ স্বাধীনতালুক্কের ।

ফাল্গুন মাস, বরুক জীর্ণ পাতা
গজাক নতুন পাতারা, তুলুক মাথা,
নতুন দেয়াল দিকে দিকে হোক গাঁথা —
জাগে বিক্ষোভ চারিপাশে ক্ষুদ্ধের ।

হৃদে তৃষ্ণার জল পাবে কত কাল ?
সম্মুখে টানে সমুদ্র উত্তাল :
তুমি কোন্ দলে ? জিজ্ঞাসা উদ্দাম :
'গুণ্ডা'র দলে আজো লেখাও নি নাম ?

□

বোধন

হে মহামানব, একবার এসো ফিরে
শুধু একবার চোখ মেলো এই গ্রাম নগরের ভিড়ে,
এখানে মৃত্যু হানা দেয় বারবার ;
লোকচক্ষুর আড়ালে এখানে জমেছে অন্ধকার ।
এই যে আকাশ, দিগন্ত. মাঠ স্বপ্নে সবুজ মাটি
নীরবে মৃত্যু গেড়েছে এখানে ঘাঁটি :

কোথাও নেইকো পার

মারী ও মড়ক, মন্থস্তর, ঘন ঘন বন্যার

আঘাতে আঘাতে ছিন্নভিন্ন ভাঙা নৌকার পাল,

এখানে চরম দুঃখ কেটেছে সর্বনাশের খাল,

ভাঙা ঘর, ফাঁকা ভিটেতে জমেছে নির্জনতার কালো,

হে মহামানব, এখানে শুকনো পাতায় আগুন জ্বালো ।

ব্যাহত জীবনযাত্রা, চুপি চুপি কান্না বও বৃকে,

হে নীড়-বিহারী সঙ্গী ! আজ শুধু মনে মনে ধুঁকে

ভেবেছ সংসারসিন্ধু কোনোমতে হয়ে যাবে পার

পায়ে পায়ে বাধা ঠেলে । তবু আজো বিশ্বয় আমার—

ধূর্ত, প্রবঞ্চক যারা কেড়েছে মুখের শেষ গ্রাস

তাদের করেছ ক্ষমা, ডেকেছ নিজের সর্বনাশ ।

তোমার ক্ষেতের শস্য

চুরি ক'রে যারা গুপ্তকক্ষতে জমায়

তাদেরি ছুপায়ে প্রাণ ঢেলে দিলে দুঃসহ ক্ষমায় ;

লোভের পাপের ছুর্গ গন্থুজ ও প্রাসাদে মিনারে

তুমি যে পেতেছ হাত ; আজ মাথা ঠুঁকে বারে বারে

অভিশাপ দাও যদি, বারংবার হবে তা নিফল—

তোমার অস্থায়ী জেনো এ অস্থায় হয়েছে প্রবল ।

তুমি তো প্রহর গোনো,

তারা মুদ্রা গোনো কোটি কোটি,

তাদের ভাণ্ডার পূর্ণ ; শূন্য মাঠে কঙ্কাল-করোটি

তোমাকে বিদ্রূপ করে, হাতছানি দিয়ে কাছে ডাকে—

কুস্মটি তোমার চোখে, তুমি ঘুরে ফেরো ছুর্বিপাকে ।

পৃথিবী উদাস, শোনো হে ছুনিয়াদার !

সামনে দাঁড়িয়ে মৃত্যু-কালো পাহাড়

দক্ষ হৃদয়ে যদিও ফেরাও ঘাড়
সামনে পেছনে কোথাও পাবে না পার :
কি করে খুলবে মৃত্যু-ঠেকানো দ্বার—
এই মুহূর্তে জবাব দেবে কি তার ?

লক্ষ লক্ষ প্রাণের দাম
অনেক দিয়েছি ; উজাড় গ্রাম ।
সুদ ও আসলে আজকে তাই
যুদ্ধ শেষের প্রাপ্য চাই ।

কৃপণ পৃথিবী, লোভের অস্ত্র
দিয়ে কেড়ে নেয় অন্নবস্ত্র,
লোলুপ রসনা মেলা পৃথিবীতে
বাড়াও ও-হাত তাকে ছিঁড়ে নিতে ।
লোভের মাথায় পদাঘাত হানো—
আনো, রক্তের ভাগীরথী আনো ।
দৈত্যরাজের যত অমুচর
মৃত্যুর ফাঁদ পাতে পর পর ;
মেলো চোখ আজ ভাঙো সে ফাঁদ—
হাঁকো দিকে দিকে সিংহনাদ ।
তোমার ফসল, তোমার মাটি
তাদের জীবন ও মরণকাঠি
তোমার চেতনা চালিত হাতে ।
এখনও কাঁপবে আশঙ্কাতে ?
স্বদেশপ্রেমের ব্যাঙ্গমা পাখি
মারণমন্ত্র বলে, শোনো তা কি ?
এখনো কি তুমি আমি স্বতন্ত্র ?
করো আবৃত্তি, হাঁকো সে মন্ত্র :

শোন্ রে মালিক, শোন্ রে মজুতদার !
তোদের প্রাসাদে জমা হল কত মৃত মানুষের হাড়—
হিসাব কি দিবি তার ?

প্রিয়াকে আমার কেড়েছিস তোরা,
ভেঙেছিস ঘরবাড়ি,
সে কথা কি আমি জীবনে মরণে
কখনো ভুলতে পারি ?

আদিম হিংস্র মানবিকতার যদি আমি কেউ হই
স্বজনহারানো শ্মশানে তোদের
চিতা আমি তুলবই ।

শোন্ রে মজুতদার,
ফসল ফলানো মাটিতে রোপণ
করব তোকে এবার ।

তারপর বহুশত যুগ পরে
ভবিষ্যতের কোনো ষাঁড়ঘরে
নৃত্যবিদ্য হযরান হয়ে মুছবে কপাল তার.
মজুতদার ও মানুষের হাড়ে মিল খুঁজে পাওয়া ভার ।
তেরোশো সালের মধ্যবর্তী মালিক, মজুতদার
মানুষ ছিল কি ? জবাব মেলে না তার ।

আজ আর বিমূঢ় আফালন নয়,
দিগন্তে প্রত্যাসন্ন সর্বনাশের ঝড় ;
আজকের নৈশৈক্য হোক যুদ্ধারম্ভের স্বীকৃতি ।
তু হাতে বাজাও প্রতিশোধের উন্নত দামামা,
প্রার্থনা করো :

হে জীবন, হে যুগ-সঙ্কিকালের চেতনা—
আজকে শক্তি দাও, যুগ যুগ বাঞ্ছিত ছর্দমনীয় শক্তি,
প্রাণে আর মনে দাও শীতের শেষের

তুষার-গলানো উত্তাপ ।

টুকরো টুকরো ক'রে ছেঁড়ো তোমার
অস্থায় আর ভীরুতার কলঙ্কিত কাহিনী ।
শোষণ আর শাসকের নির্ধূর একতার বিরুদ্ধে
একত্রিত হোক আমাদের সংহতি ।

তা যদি না হয় মাথার উপরে ভয়ঙ্কর
বিপদ নামুক, ঝড়ে বহুয় ভাঙুক ঘর ;
তা যদি না হয়, বুঝবো তুমি তো মানুষ নও—
গোপনে গোপনে দেশদ্রোহীর পতাকা বও ।
ভারতবর্ষ মাটি দেয়নিকো, দেয় নি জল
দেয় নি তোমার মুখেতে অন্ন, বাহুতে বল
পূর্বপুরুষ অল্পপস্থিত রক্তে, তাই
ভারতবর্ষে আজকে তোমার নেইকো ঠাই ॥

□

রানার

রানার ছুটেছে তাই বুঝবুম্ ঘন্টা বাজছে রাতে
রানার চলেছে খবরের বোঝা হাতে,
রানার চলেছে, রানার !
রাত্রির পথে পথে চলে কোনো নিষেধ জানে না মানার !
দিগন্ত থেকে দিগন্তে ছোটে রানার—
কাজ নিয়েছে সে নতুন খবর আনার ।

রানার ! রানার !

জানা-অজানার

বোঝা আজ তার কাঁধে,

বোঝাই জাহাজ রানার চলেছে চিঠি আর সংবাদে ;

রানার চলেছে, বুঝি ভোর হয় হয়,

আরো জোরে, আরো জোরে, এ রানার ছুঁবার ছুঁয় ।

তার জীবনের স্বপ্নের মতো পিছে স'রে যায় বন,

আরো পথ, আরো পথ—বুঝি হয় লাল ও-পূর্ব কোণ ।

অবাক রাতের তারারা, আকাশে মিটমিট ক'রে চায় ;

কেমন ক'রে এ রানার সবেগে হরিণের মতো যায় !

কত গ্রাম, কত পথ যায় স'রে স'রে—

শহরে রানার যাবেই পৌঁছে ভোরে ;

হাতে লণ্ঠন করে ঠনঠন, জোনাকিরা দেয় আলো

মাইভে, রানার ! এখনো রাতের কালো ।

এমনি ক'রেই জীবনের বহু বছরকে পিছু ফেলে,

পৃথিবীর বোঝা ক্ষুধিত রানার পৌঁছে দিয়েছে 'মেলে' ।

ক্লান্তশ্বাস ছুঁয়েছে আকাশ, মাটি ভিজ্জে গেছে ঘামে

জীবনের সব রাত্রিকে ওরা কিনেছে অল্প দামে ।

অনেক দুঃখে, বহু বেদনায়, অভিমানে, অনুরাগে,

ঘরে তার প্রিয়া একা শয্যায় বিনিদ্র রাত জাগে ।

রানার ! রানার !

এ বোঝা টানার দিন কবে শেষ হবে ?

রাত শেষ হয়ে সূর্য উঠবে কবে ?

ঘরেতে অভাব ; পৃথিবীটা তাই মনে হয় কালো ধোঁয়া,

পিঠেতে টাকার বোঝা, তবু এই টাকাকে যাবে না ছোঁয়া,

রাত নির্জন, পথে কত ভয়, তবুও রানার ছোট্টে,
 দস্যুর ভয়, তারো চেয়ে ভয় কখন সূর্য ওঠে ।
 কত চিঠি লেখে লোকে —
 কত সুখে, প্রেমে, আবেগে, স্মৃতিতে, কত দুঃখে ও শোকে ।
 এর দুঃখের চিঠি পড়বে না জানি কেউ কোনো দিনও,
 এর জীবনের দুঃখ কেবল জানবে পথের তৃণ,
 এর দুঃখের কথা জানবে না কেউ শহরে ও গ্রামে,
 এর কথা ঢাকা পড়ে থাকবেই কালো রাত্রির খামে ।
 দরদে তারার চোখ কাঁপে মিটিমিটি,—
 এ-কে যে ভোরের আকাশ পাঠাবে সহানুভূতির চিঠি—
 রানার ! রানার ! কি হবে এ বোঝা ব'য়ে ?
 কি হবে ক্ষুধার ক্লাস্তিতে ক্ষয়ে ক্ষয়ে ?
 রানার ! রানার ! ভোর তো হয়েছে—আকাশ হয়েছে লাল
 আলোর স্পর্শে কবে কেটে যাবে এই দুঃখের কাল ?

রানার ! গ্রামের রানার !
 সময় হয়েছে নতুন খবর আনার ;
 শপথের চিঠি নিয়ে চলো আজ
 ভীরুতা পিছনে ফেলে—
 পৌছে দাও এ নতুন খবর
 অগ্রগতির 'মেল',
 দেখা দেবে বুঝি প্রভাত এখুনি—
 নেই, দেরি নেই আর,
 ছুটে চলো, ছুটে চলো আরো বেগে
 দুর্দম, হে রানার ॥

মৃত্যুঞ্জয়ী গান

নিয়ত দক্ষিণ হাওয়া স্তব্ধ হল একদা সন্ধ্যায়
অজ্ঞাতবাসের শেষে নিদ্রাভঙ্গে নির্বীৰ্য জনতা
সহসা আরণ্য রাজ্যে স্তম্ভিত সভয়ে ;
নিৰ্বায়ুমণ্ডল ক্রমে ছুঁৰ্ভাবনা দৃঢ়তর করে ।
দূরাগত স্বপ্নের কী ছুঁর্দিন ! মহামারী অন্তরে বিক্ষোভ,
সঞ্চারিত রক্তবেগ পৃথিবীর প্রতি ধমনীতে :
অবসন্ন বিলাসের সঙ্কুচিত প্রাণ ।

বণিকের চোখে আজ কী ছুরন্ত লোভ ঝরে পড়ে :
মুহুমুহু রক্তপাতে স্বধর্ম সূচনা ;
ক্ষয়িষ্ণু দিনেরা কাঁদে অনর্থক প্রসব ব্যথায় ।
নশ্বর পৌষদিন, চারিদিকে ধূর্তের সমতা
জটিল আবর্তে শুধু নৈমিত্তিক প্রাণের স্পন্দন ;
শোকাচ্ছন্ন আমাদের সনাতন মন
পৃথিবীর সম্ভাবিত অকাল মৃত্যুতে :
ছুঁর্দিনের সমন্বয়, সম্মুখেতে অনন্ত প্রহর—
দৃষ্টিপথ অন্ধকার, সন্দিহান আগামী দিনেরা ।
গলিত উত্তম তাই বৈরাগ্যের ভান,
কণ্টকিত প্রতীক্ষায় আমাদের অরণ্যবাসর ।

সহসা জানলায় দেখি ছুঁর্ভিক্ষের স্রোতে
জনতা মিছিলে আসে সংঘবদ্ধ প্রাণ—
অদ্ভুত রোমাঞ্চ লাগে সমুদ্র পর্বতে ;
সে মিছিলে শোনা গেল
জনতার মৃত্যুঞ্জয়ী গান ॥

কনভয়

হঠাৎ ধুলো উড়িয়ে ছুটে গেল
যুদ্ধফেরত এক কনভয় :
ক্ষেপে-ওঠা পত্নপালের মতো
রাজপথ সচকিত ক'রে
আগে আগে কামান উঁচিয়ে,
পেছনে নিয়ে খাও আর রসদের সস্তার ।

ইতিহাসের ছাত্র আমি,
জানালা থেকে চোখ ফিরিয়ে নিলাম
ইতিহাসের দিকে ।
সেখানেও দেখি উন্নত এক কনভয়
ছুটে আসছে যুগযুগান্তের রাজপথ বেয়ে
সামনে ধূম-উদগীরণরত কামান,
পেছনে খাওশস্ত্র ঝাঁকড়ে-ধরা জনতা—
কামানের ধোঁয়ার আড়ালে আড়ালে দেখলাম,
মামুষ ।
আর দেখলাম ফসলের প্রতি তাদের পুরুষামুক্রমিক
মমতা ।
অনেক যুগ, অনেক অরণ্য, পাহাড়, সমুদ্র পেরিয়ে
তারা এগিয়ে আসছে : বলসানো কঠোর মুখে ॥

□

ফসলের ডাক : ১৩৫১

কাস্তে দাও আমার এ হাতে
সোনালী সমুদ্র সামনে, বাঁপ দেব তাতে ।

শক্তির উন্মুক্ত হাওয়া আমার পেশীতে
স্নায়ুতে স্নায়ুতে দেখি চেতনার বিদ্যুৎ বিকাশ :
তু পায়ে অস্থির আজ বলিষ্ঠ কদম ;
কাস্তে দাও আমার এ হাতে ।

তু চোখে আমার আজ বিচ্ছুরিত মাঠের আগুন,
নিঃশব্দে বিস্তীর্ণ ক্ষেতে তরঙ্গিত প্রাণের জোয়ার
মৌসুমী হাওয়ায় আসে জীবনের ডাক :
শহরের চুল্লী ঘিরে পতঙ্গের কানে ।

বহুদিন উপবাসী নিঃশ্ব জনপদে,
মাঠে মাঠে আমাদের ছড়ানো সম্পদ ;
কাস্তে দাও আমার এ হাতে ।
মনে আছে একদিন তোমাদের ঘরে
নবান্ন উজাড় ক'রে পাঠিয়েছি সোনার বছরে,
নির্ভাবনার হাসি ছড়িয়েছি মুখে
তৃপ্তির প্রগাঢ় চিহ্ন এনেছি সম্মুখে,
সেদিনের অলক্ষ্য সেবার বিনিময়ে
আজ শুধু কাস্তে দাও আমার এ হাতে ।

আমার পুরনো কাস্তে পুড়ে গেছে ক্ষুধার আগুন,
তাই দাও দীপ্ত কাস্তে চৈতন্যপ্রথর—
যে কাস্তে ঝলসাবে নিত্য উগ্র দেশপ্রেমে ।

জানি আমি মৃত্যু আজ ঘুরে বায় তোমাদেরও দ্বারে,
হুর্ভিক্ষ ফেলেছে ছায়া তোমাদের দৈনিক ভাণ্ডারে ;
তোমাদের বাঁচানোর প্রতিজ্ঞা আমার,
শুধু আজ কাস্তে দাও আমার এ হাতে ।

পরাস্ত অনেক চাষী ; ক্ষিপ্রগতি নিঃশব্দ মরণ—
জলস্ত মৃত্যুর হাতে দেখা গেল বুভুক্ষুর আত্মসমর্পণ,
তাদের ফসল প'ড়ে, দৃষ্টি জ্বলে সুদূরসন্ধানী
তাদের ক্ষেতের হাওয়া চুপিচুপি করে কানাকানি—
আমাকেই কাস্তে নিতে হবে ।

নিয়ত আমার কানে গুঞ্জরিত ক্ষুধার যন্ত্রণা,
উদ্বলিত হাওয়া আনে মাঠের সে উচ্ছ্বসিত ডাক,
সুস্পষ্ট আমার কাছে জীবনের স্মৃতিত্র সংকেত :
তাই আজ একবার কাস্তে দাও আমার এ হাতে ॥

□

কৃষকের গান

এ বক্যা মাটির বুক চিরে
এইবার ফলাব ফসল—
আমার এ বলিষ্ঠ বাহুতে
আজ তার নির্জন বোধন ।
এ মাটির গর্ভে আজ আমি
দেখেছি আসন্ন জন্মেরা
ক্রমশ সুপুষ্ট ইঙ্গিতে :
ঔর্ভিক্ষের অস্তিম কবর ।
আমার প্রতিজ্ঞা শুনেছ কি ?
(গোপন একান্ত এক পণ)
এ মাটিতে জন্ম দেব আমি
অগণিত পস্টন-ফসল ।
ধনায় ভাঙন ছুই চোখে
সংস্রোত জনতা জীবনে ;

আমার প্রতিজ্ঞা গ'ড়ে তোলে
ক্ষুধিত সহস্র হাতছানি ।
দুয়ারে শত্রুর হানা
মুঠিতে আমার দুঃসাহস ।
কর্ষিত মাটির পথে পথে
নতুন সভ্যতা গড়ে পথ ॥



এই নবান্নে

এই হেমন্তে কাটা হবে ধান,
আবার শৃঙ্খল গালায় ডাকবে ফসলের বান—
পৌষপার্বণে প্রাণ-কোলাহলে ভরবে গ্রামের নীরব শ্মশান ।
তবুও এ হাতে কাস্তে তুলতে কান্না ঘনায় :
হালকা হাওয়ায় বিগত স্মৃতিকে ভুলে থাকা দায় ;
গত হেমন্তে মরে গেছে ভাই, ছেড়ে গেছে বোন,
পথে-প্রান্তরে খামারে মরেছে যত পরিজন ;
নিজের হাতের জমি ধান-বোনা
বুধাই ধুলোতে ছড়িয়েছে সোনা,
কারোরই ঘরেতে ধান তোলবার আসে নি শুভক্ষণ—
তোমার আমার ক্ষেত ফসলের অতি ঘনিষ্ঠ জন ।

এবার নতুন জোরালো বাতাসে
জয়যাত্রার ধ্বনি ভেসে আসে,
পিছে মৃত্যুর ক্ষতির নির্বচন—
এই হেমন্তে ফসলেরা বলে : কোথায় আপন জন ?

তারা কি কেবল লুকোনো থাকবে,
অক্ষমতার গ্লানিকে ঢাকবে,
প্রাণের বদলে যারা প্রতিবাদ করেছে উচ্চারণ
এই নবানে প্রতারিতদের হবে না নিমন্ত্রণ ?

□

আঠারো বছর বয়স

আঠারো বছর বয়স কী ছুঃসহ
স্পর্ধায় নেয় মাথা তোলবার ঝুঁকি,
আঠারো বছর বয়সেই অহরহ
বিরাট ছুঃসাহসেরা দেয় যে ঊঁকি ।

আঠারো বছর বয়সের নেই ভয়
পদাঘাতে চায় ভাঙতে পাথর বাধা,
এ বয়সে কেউ মাথা নোয়াবার নয়—
আঠারো বছর বয়স জানে না কাঁদা ।

এ বয়স জানে রক্তদানের পুণ্য
বাস্পের বেগে স্তিমারের মতো চলে,
প্রাণ দেওয়া-নেওয়া ঝুলিটা থাকে না শূন্য
সঁপে আত্মাকে শপথের কোলাহলে ।

আঠারো বছর বয়স ভয়ঙ্কর
তাক্কা তাক্কা প্রাণে অসহ যন্ত্রণা,
এ বয়সে প্রাণ তীব্র আর প্রথর
এ বয়সে কানে আসে কত মন্ত্রণা ।

আঠারো বছর বয়স যে দুর্বীর
পথে প্রান্তরে ছোঁটায় বহু তুফান,

ছর্ধোগে হাল ঠিক মতো রাখা ভার
ক্ষত-বিক্ষত হয় সহস্র প্রাণ ।

আঠারো বছর বয়সে আঘাত আসে
অবিশ্রান্ত ; একে একে হয় জড়ো,
এ বয়স কালো লক্ষ দীর্ঘশ্বাসে
এ বয়স কাঁপে বেদনায় থরোথরো ।

তবু আঠারোর শুনেছি জয়ধ্বনি,
এ বয়স বাঁচে ছর্ধোগে আর ঝড়ে,
বিপদের মুখে এ বয়স অগ্রণী
এ বয়স তবু নতুন কিছু তো করে ।

এ বয়স জেনো ভীৰু, কাপুরুষ নয়
পথ চলতে এ বয়স যায় না থেমে,
এ বয়সে তাই নেই কোনো সংশয়—
এ দেশের বৃকে আঠারো আশুক নেমে ॥



হে মহাজীবন

হে মহাজীবন, আর এ কাব্য নয়
এবার কঠিন, কঠোর গড়ে আনো,
পদ-লালিত্য-ঝঙ্কার মুছে যাক
গছের কড়া হাতুড়িকে আজ হানো !
প্রয়োজন নেই, কবিতার স্নিগ্ধতা—
কবিতা তোমায় দিলাম আজকে ছুটি
ক্ষুধার রাজ্যে পৃথিবী-গণ্ডময় :
পূর্ণিমা-চাঁদ যেন ঝলসানো রুটি ॥